


DIALUNA 25 DI JANUARI TA DIA DI GILBERTO F. CROES



ORANJESTAD (IPA-AC) Dialuna 25 di Januari 1993 ta celebracion di efecha di nacemento di Gilberto Francois "Betico" Croes (q.e.p.d.). Oficialmente dialuna ta Dia Oficial di Betico y ta un dia liber. Betico Croes no ta un persona desconoci den nos comunidad, fuera di den su bida cu e tabata un maestro di School, e tabata un musicante a bira un di e politiconan mas renombra den historia di politica di Aruba y Antillias kende a lucha pa e Status Aparte di Aruba. Betico a funda e partido MEP y a sigui cu e liderasco te na su morto, despues cu ela sufri un accidente di trafico dia 31 di December 1985, algun ora promer cu Status Aparte a drenta vigor. Betico tabata un politico cu tur hende a aprecia na Aruba. Aki por aprecia un foto historico di Betico Croes den compania di Ministro di Asuntonan Hulandes Antilliano drs. Jan de Koning.